

絕妙好詞箋



I222.844
25

811871551

絕妙好詞箋

(宋) 周密
(清) 查為仁箋
厲鶚

上海古籍出版社

B099954



絕妙好詞箋

[宋]周密 輯 [清]袁易仁 厲鶚 箋

上海古籍出版社出版

(上海瑞金二路272號)

上海書店上海發行所發行 上海大統印刷廠印刷

開本787×1022 1/32 (9)張44.25

1984年1月第1版 1984年1月第1次印刷

印數1—21,000

統一書號: 10186·428 定價: 1.55元

出版說明

《絕妙好詞》，南宋周密編纂。

周密（公元一二三二——一九八年），字公謹，號草窗、蘋洲，又號四水潛夫，弁陽老人。其先濟南人，曾祖隨高宗南渡，始居吳興。宋末嘗爲臨安府幕屬，充義烏令等職。入元後遜隱不仕，輯錄宋代文獻，家乘舊聞爲《齊東野語》、《癸辛雜識》等書，又輯成《絕妙好詞》七卷，追思故舊，寄寓情懷，『不無荆棘之悲，用誌黍離之感』（柯煜序）。

周密工詩，尤工歌詞，出楊繼之門，與王沂孫、張炎齊名，爲南宋三大詞家之一，著有《草窗韻語》、《草窗詞》等流傳於世。

詞濫觴於唐、五代，發展於北宋，至南宋而益盛。《絕妙好詞》共收南宋百三十二人詞作近四百篇，始於張孝祥，迄於仇遠。其選錄精允，語言秀句層見疊出。當時張炎評云：『近代詞如《陽春白雪集》、《絕妙詞選》亦有可觀，但所取不其精；』豈若草窗所選《絕妙好詞》爲精粹。（《樂府指迷》）清《四庫提要》亦謂：『在曾慥《樂府雅詞》、黃昇《花庵詞選》之上。』又云：『宋』

人詞集，今多不傳，併作者姓名亦不盡見於世，零璣碎玉，皆賴此以存，於詞選中敢爲善本。」

《絕妙好詞》輯成後，「在元時已爲難得，有明三百年樂府家未嘗見其隻字」（厲鶚康熙六十一年跋）。清初錢謙益終老樓藏有鈔本，後歸錢曾述古堂，康熙間始有柯煜、高士奇刊本。乾隆年杳爲仁、厲鶚同爲之箋注，「或因詞而考證其本事，或因人而附載其佚聞」（《四庫提要》），頗便省覽。嘉慶、道光年間，余集從宋人雜著中輯錄草窗未收之作別爲一卷，道光年開雕時，瞿世瑛將此重爲編次，徐楸又從《武林舊事》等書中採摘諸篇另成一卷，總增近五十闕，遂成今通行之《絕妙好詞箋》七卷，《續鈔》二卷。

現據華東師範大學圖書館所藏清道光八年徐楸愛日軒刻本影印，並於書前增一總目，以便翻檢。

原序

粵稽詩降爲詞六朝潛啓其意而體創于李唐五代繼
隆其軌而風暢于趙宋柳屯田之曉風殘月蘇學士之
亂石崩雲世所共稱固無論已建炎而後作者斐然數
南渡之才人無非妍手詠西湖之麗景盡是崑家薄醉
尊前按紅牙之小拍清歌扇底度白雪之新聲況乎人
閒玉腕闕下銅駝不無荆棘之悲用誌黍離之感文弦
鼓其淒調玉笛發其哀思亦有登山臨水勝情與豪素
爭飛惜別懷人秀句其郵筒俱遠凡斯體製有待纂編

于是艸窗周氏彙次成書山玉川珠供其採擷蜀羅趙
錦藉彼翦裁蔡家幼婦之碑固應無媿黃氏散花之集
詎可齊觀秀遠爲前此所無規矩實後來之式然而綢
氣長埋珠光易匿五百年之星移物換金石尚爾銷沈
一卷書之雲散波流簡帙能無散佚於今風雅殆勝曩
時翡翠筆牀人宗石帚璫璃硯匣家擬梅溪爰有好事
之家千金購其善本嗜奇之士古鼎質其祕書時歲甲
子訪戚虞山叔丈遵王招攜水日鄒方回之游讌久欽
逸少門風盧子諒之婚姻夙埶劉琨世戚觴詠之暇簞


軸斯陳謝氏五車未足方其名貴田宏萬卷猶當遜其
珍奇得此一編如逢棋壁不謂失傳已久猶能藏弄至
今諷詠自滾剗爾有待河北膠東之紙傳此名篇然脂
弄墨之餘成余素志上借諸父俾我弟昆共訂魯魚重
新梨棗從此光華不沒風景常新非惟一日之賞心允
矣千秋之勝事武唐柯煜序

艸窗周公謹集選宋南渡以後諸人詩餘凡七卷名之
曰絕妙好詞公謹生於宋末以博雅名東南所作音節
淒清情寄澹遠非徒以綺麗勝者茲選披沙揀金合一

百三十二人爲詞不滿四百亦云精矣余嘗論選家以
今稽古病在不親穀梁所謂聽遠音者聞其疾而不聞
其舒也若同時之人徵蒐該博參互詳審其去疵疴正
謬悠較之後代難易什伯宋人選宋詞如曾慥樂府雅
詞趙粹夫陽春白雪以及謫仙蘭畹諸集皆名存書逸
每爲可惜艸窗所選乃虞山錢氏祕藏鈔本柯子南陔
得之與其從父寓匏舍人及余考校缺誤繕刻以行夫
古書顯晦各有其時

皇上聖學淵奧凡經史子集以及類說稗乘罔不搜討

宋元舊本漸已畢出彼曾趙諸集又豈無摻廢簞而弄
之者是書之出其嚆矢夫康熙戊寅夏五江邨高士奇
序於清吟堂



絕妙好詞七卷南宋弁陽老人周密公謹所輯宋人選
本朝詞如曾端伯樂府雅詞黃叔暘花菴詞選皆讓其
精粹蓋詞家之準的也所采多紹興迄德祐間人自二
三鉅公外姓字多不著夫士生隱約不得樹立功業炳
煥天壤僅以詞章垂稱後世而姓字猶在若滅若沒閒
無人爲從故紙堆中抉剔出之豈非一大恨事耶津門
查君蓮坡研精風雅耽玩倚聲披閱之暇隨筆劄記輯
有詩餘紀事如干卷于是編尤所畱意特爲之箋不獨
諸人里居出處十得八九而詞中之本事詞外之佚事

以及名篇秀句零珠碎金攬拾無遺俾讀者展卷時悅
然如聆其笑語而共其游歷也予與蓮坡有同好向嘗
綴拾一二每自矜拊獲會以衣食奔走不克卒業及來
津門見蓮坡所輯頗有望洋之歎并舉以付之次第增
入焉譬諸掇遺材以裨建章投片瓊以廁懸圃其爲用
不已微乎蓮坡通懷集益猶不忘所自必欲附賤名於
簡端辭不得已因述其顛末如此云乾隆戊辰閏七夕
前三日錢塘厲鶚書於津門之古春小茨

絕妙好詞題跋附錄

花氣烘人尚暖珠光出海猶寒如今賀老見應難解道
江南腸斷 謾擊銅壺浩歎空存錦瑟誰彈莊生蝴蝶
夢春還簾外一聲鶯喚 調西江月玉田生張炎叔夏
山中白雲詞

弁陽老人選此詞總目後又有目錄卷中詞人大半予
所未曉者其選錄精允清言秀句層見疊出誠詞家之
南董也此本又經前輩細看批閱姓氏下各朱標其出
處里第展玩之心目了然或曰弁陽老人卽周草窗未

知然否虞山錢遵王

錢氏述古堂藏書題詞

詞人之作自草堂詩餘盛行屏去激楚陽阿而巴人之
唱齊進矣周公謹絕妙好詞選本中多俊語方諸草堂
所錄雅俗殊分顧流布者少從虞山錢氏鈔得嘉善柯
孝廉南陔重鈐之作者百三十有二人第七卷仇仁近
殘闕目亦無存可惜也公謹自有寶洲漁笛譜其詞足
與陳衡仲王聖與張叔夏方駕金風亭長朱彝尊
曝書亭集

張玉田樂府指迷云近代詞如陽春白雪集絕妙詞選

亦有可觀但所取不甚精一豈若草窗所選絕妙好詞
爲精粹惜此板不存墨本亦有好事者藏之據此則是
書在元時已爲難得有明三百年樂府家未曾見其隻
字徒奉沈氏草堂選爲金科玉律無怪乎雅道之不振
也幸虞山錢邇王氏收藏抄本禾中柯孝廉南陔錢唐
高詹事江邨校刊以傳是書乃流布人間矣近時購之
頗艱余最有倚聲之癖吳丈志上掇殘帙以贈僅得二
卷又借於符君幼魯屬門人錄成乃爲完好聊志歲月
於簡端時康熙六十一年十二月九日錢唐厲鶚題於

無盡意齋